

A Olom-pirenen'ny Lanitra:

❖ Manahaka ny mahatoky (Filipiana3:17-19)

- Isika rehetra dia samy efa nanana olona izay namolavola ny fiainantsika na ny fisainantsika. Mety ho mpanakanto, atleta, mpanao mozika, mpihira. Mety ho pasitera, mpitory teny, rahalahy na rahavavy mahatoky.
- Moa ny fananana ireo olona "marika" ireo ve nanampy antsika hitombo amin'ny maha-olona antsika, sa nitarika antsika hidina amin'ny lalana izay tsy tokony ho nandramantsika mihitsy?
- Manasa antsika i Paoly mba hanahaka an'ireo izay mampahery antsika ny ohatra asehony sy mandrisika antsika ho tsara kokoa (Fil. 3:17). Mampitandrina antsika koa izy fa na dia eo anivon'ny mpino aza dia misy olona tsy mendrika halain-tahaka. (Fil. 3:18-19).
- Inona no mahatonga ny fahasamihafana? Ny zavatra ety an-tany ihany no heverin'ny sasany, fa ny hafa kosa mifantoka amin'i Jesosy. Ny ohatra tsara kosa, dia ny manahaka an'i Kristy (1 Kor. 11:1).

❖ Olom-pirenena feno (Filipiana3:20-21)

- Andao atrehina izany. Manana olana isika Kristiana: zom-pirenena roa. Sady olom-pirenena eto amin'izao tontolo izao isika no olom-pirenen'ny lanitra. Miteraka fifanandrinana lehibe ho antsika izany (Rom. 7:22-23).
- Rahoviana isika vao ho olom-pirenena feno? Rahoviana isika no tsy ho olom-pirenen'ity tontolo feno fahotana ity intsony? Amin'ny Fiavian'i Kristy Fanindroany (Fil. 3:20).
- Rehefa hatsangana amin'ny maty isika (na hovana), ary tsy hanan-kery amintsika intsony ny fahafatesana, inona no hitranga?
 - (1) Hanana vatana nofo isika, ary ny masontsika no hahita an'Andriamanitra (Joba 19:25-27).
 - (2) Ho ara-panahy, tsy mety maty ary tsy ho lo ny tenantsika (1 Kor. 15:42-44, 50-54)
 - (3) Homem-boninahitra isika (Kol. 3:4; Fil. 3:21)

B Mandra-pahatongantsika any:

❖ Firindrana sy fifaliana (Filipiana4:1-6)

- Teo am-pamaranana ny taratasiny, dia nampifandray ny fiarahabana manokana tamin'ny torohevitra azo ampiharina i Paoly. Nangataka an'i Syzygo [namana mahatoky] sy i Klementa izy mba hanampy an'i Eodia sy Syntyke hiara-monina am-pirindrana. Hoy an'izy rehetra, izay mpiara-miasa amin'i Paoly, dia hoy izy: "voasoratra ao amin'ny bokin'ny fiainana." (Fil. 4:2-3).
- Mety hanahiran-tsaina antsika ity torohevitra manaraka ity: "Mifalia mandrakariva [...] Aza manahy na inona na inona" (Filipiana 4:4, 6). Ahoana no hahatanterahan'izany ao anatin'ny tontolo feno olana sy fahoriana?
- Azo atao izany satria "ao amin'ny Tompo" ny fifaliantsika (Fil. 4:4a). Mametraka ny fanahiantsika eo Aminy isika, ary matoky fa lzy no hitondra izany ho antsika (Mat. 6:31-34; 1 Pet. 5:7).
- Ary ahoana no ametrhantsika ny fanahiantsika amin'i Jesosy? Amin'ny alalan'ny vavaka (Fil. 4:6).

❖ Fisainana madio (Filipiana4:7-9)

- Fiadanana no vokatry ny fametrahana ny fanahiantsika amin'i Jesosy sy ny fifaliantsika (Fil. 4:7). Fiadanana izay tsy azon'izao tontolo izao omena na alaina (Jaona 14:27; 16:33).
- Io fiadanana io, araka ny voalazan'i Paoly, dia ho fiarovana — fiambenana — ny fihetseham-pontsika sy ny eritreritsika (Fil. 4:7b). Ka mba hampahomby tsara io fiambenana io, dia inona no tokony hoeritreretintsika (Fil. 4:8)?
 - (1) Ho amin'izay marina, manan-kaja, mahitsy, na inona madio, na inona maha-te-ho-tia, tsara laza
 - (2) Raha fintinina: "Raha misy hatsaram-panahy, ary raha misy dera, dia hevero izany" (Fil. 4:8b).

❖ Fahafaham-po (Filipiana 4:10-13, 19)

- Faly isika; tsy manahy isika; manana fiadanana isika; madio ny fisainantsika. Manana fiainana tonga lafatra sy mahafa-po isika... sa tsy izany?
- Mety feno fanambinana isika; mety manana filàna na olana. Raha toa an'i Paoly isika, ka mahatoky tanteraka an'Andriamanitra fa lzy no mitantana ny fiainantsika, dia hatoky Azy foana isika na inona na inona toe-javatra misy amintsika (Fil. 4:11-12, 19).
- Toa an'i Agora, dia matoky isika fa Andriamanitra dia tsy hanome antsika mihoatra na latsaka noho izay mahaso antsika (Oh. 30:8-9).
- Rehefa miaina ao anatin'izany fahatokiana izany isika, dia matoky fa "mahay ny zavatra rehetra aho ao amin'Ilay mampahery ahy" (Fil. 4:13).
- Inona no mitranga rehefa tsy manana izay heverintsika fa ilaintsika isika?
- Aoka isika hangataka amin'ny Tompo, ary raha toa araka ny sitrapony izany, dia homeny antsika (Jakoba 4:2b; 1 Jaona 5:14-15).
- Tsy fantatsika mandrakariva raha toa araka ny sitrapony ny zavatra angatahintsika, saingy misy kosa fangatahana izay azontsika antoka fa araka ny sitrapony foana.